

醫學從衆卷五

閩吳航陳念祖修園甫著

次男元犀靈石叅訂

孫男

心典徽菴

全校字

心蘭芝亭

隔症反胃

隔者阻隔不通不能納穀之謂也。又謂之隔言病在胸膈之間也。上焦出胃上口主納中焦並

胃中主腐化。下焦別迴腸。主濟泌。此症三焦失職。百無一生。丹溪指為胃脘乾枯。以四物湯入牛羊乳。竹瀝。韭汁之類。主之。薛氏指為怫鬱傷肝。肝木尅土。以左金丸。逍遙散。六君子湯。歸脾湯。六味丸。八味丸之類。隨症間服。易思蘭本此法。以治氣膈。晨吞八味丸百粒。暮服暢衛湯。開導其上。滋補其下。多效。趙氏以此病多得之五旬以上。腎水既乾。陽火偏盛。煎熬津液。三陽熱

結則前後閉澹下既不通必反於上。直犯清道。上冲吸門。須以六味丸料大劑煎飲。久服可挽。十中之一二。然以余觀之。隔症既成。終無治法。問曰。既無治法。豈真坐視其亡耶。

修園曰。即欲服藥。亦不過盡人事而已。吾鄉老醫某。只守程氏啟膈飲一湯。始服頗效。久亦增病。然而痰火鬱氣阻逆於上者。亦藉為引導也。已任篇專取陽明以左歸飲加生地當歸亦所

以開賁門

此門開則能納食

幽門

此門開則小便利

闌門

此門開則

大便潤

之法也

此數方之意皆仿於仲景大半夏

湯用甘瀾蜜水之法而不知仲景取半夏以升降

陰陽藉人參以重生津液復得蜜之滋潤灌溉

流通而阻隔之患乃免程氏以半夏耗液為禁

豈知仲景麥門冬湯及此方之微旨哉

張石頑云古人指噎膈為津液乾枯故水液可

行乾物梗塞為枯在上焦余竊疑之若果津液枯

槁何以食纔下咽涎隨上湧乎。故知膈咽之間。交通之氣不得降者。皆衝脉上行逆氣所作也。惟氣逆故水液不得居潤下之常。隨氣逆湧耳。若以津枯而用潤下之劑。豈不反益其邪乎。宜六君子湯加減。挾寒脉遲細者。加肉桂附子。挾熱脉數滑者。加枳實黃連。若噎而聲不出者。加五味子竹茹。喉中有一塊食物不下者。痰氣也。加海石訶子。膈間作痛。多是瘀血。加歸尾桃仁韭。

汁童便甚者。加大黃微利之。千金五噎丸。五膈丸。亦可擇用。

按張石頑主於衝脉上逆。誠千古灼見。亦從仲景大半夏湯悟出。然必謂潤下之劑。反益其邪。是因其涎沫之多。而狃於見症之陋習也。衝脉不治。取之陽明。故仲景以半夏降衝脉之逆。即以白蜜潤陽明之燥。加人參以生既亡之津液。石頑此論。得其半而遺其半也。蓋人之胃中。疊

積如膏脂者。謂之胃陰。今因衝氣上逆。日嘔出
粘涎。即日亡其胃陰。尚得謂滋潤之劑。宜屏絕
乎。余所以不敢阿好也。

人鏡經曰。內經云。三陽結。謂之隔。蓋足太陽膀胱經。水道不行。手太陽小腸經。津液枯涸。足陽
明胃經。燥糞結聚。所以飲食拒而不入。縱入太
倉。還出喉嚨。人之腸胃。一日一便。乃常度也。今
隔食之人。五七日不便。陳物不去。新物不納。俗

醫強分為五。膈十噎。支派既多。併喪其實。標本不明。是以火裏煨薑湯中煮桂。胡椒末已。薑撥繼之。丁香末已。豆蔻繼之。雖曰和胃。胃本不虛。雖曰溫脾。脾本不寒。此病之所以日盛也。法當用三一承氣湯。節次微下之。後用芝麻飲。啜之。陳莖去而腸胃潔。癥瘕盡而榮衛昌。飲食自進矣。按此法雖偏。而百無一生之症。急用之。尚有餘望。否則逡巡觀望。何濟於事。

反胃症。朝食暮吐。暮食朝吐。初患者尚可治。王太僕云。食不得入。是有火也。食入反出。是無火也。遵趙氏法。以六味丸治隔症。是壯水之主。以制陽光。以八味丸治反胃。是益火之原。以消陰翳。而自愚論之。食入反出。脾失其消穀之能。胃失其容受之能。宜理中湯溫脾。加麥朮以暢達一陽之氣。與參朮消補同行。土木不害。而脾得盡其所能。或吳茱萸湯溫。

胃。藉吳萸以鎮納厥陰之逆氣。合參、棗、甘、溫相濟。震坤合德。而胃得盡其所能。而猶恐中土大寒。溫補大緩。以乾薑、吳萸、附子、華撥、蜜丸。俾火化之速。復恐燥熱上僭。傷上焦。細縕之氣。以沙參、白朮、茯苓、麥芽、五穀蟲、甘草、白朮、仁為末。厚裹於外。又以硃砂六一散為衣。使溫和之藥在外。先行於上。而辛熱之藥由中焦以直達命門。熟腐水穀。續以八味丸收。

其金功。若病勢之甚。第以八味丸緩服。未免

迂濶矣。

張石頑云、有陽虛不能統運、嘔逆便

血在膈阻滯氣道而成者、用抵當丸作芥子

也。

診脉

浮緩而滑

沉緩而長皆可治

弦濇短小

為難治

大半夏湯

方見金匱

啟膈飲

方見實
在易

三一承氣湯

方見
時方

按久病與羸敗之人。前方未免太峻。余用麻仁丸。及高鼓峯新方代之。高鼓峯悟王損菴治隔用大黃之妙。融會一方。頗為穩當。方用熟地五錢。當歸白芍桃仁麻仁各三錢。微微潤之。其形體如常。即以前方內加大黃一二錢。以助血藥。

加減左歸飲

經云腎乃胃之關關門不利升降息矣關門即氣交之中天之樞也故

腎旺則胃陰充胃陰充則能食

已倖篇曰隔症一陽明盡之予治荆溪潘爾修之隔用左歸飲去茯苓加生地當歸兩大劑而便潤食進又十劑而兩便如常飲食復舊蓋以左歸飲中有甘艸則直走陽明以和其中且當歸生地合用則能清胃火以生其陰胃陰上濟則賁門寬展故飲食能進胃陰

下達則幽門闌門皆滋潤故二便如常去茯苓者恐其分流入坎不若專顧陽明之效速也。

和中暢衛湯

紫蘇梗

五分

香附

醋炒

神麴

炒

沙參

各一錢

桔梗

連翹

去子尖各六分

木香

四分

蒼朮

撫芎

貝母

各八分

砂仁

三分

生薑

三片

水煎服

易思蘭自註云。香附、蘓梗、開竅、行氣、蒼朮、健
中、貝母、開鬱、痰連、翹散、六經之火、撫芎、發肝
木之困、神麴、行脾之鬱、木香、逐氣、流行、桔梗、
升提肺氣、沙參、助正氣、而不助火。此方提上
焦之火邪。乃火鬱發之之義也。然徒用此方。
而不兼補下之藥。雖能解散於一時。其火無
水制。必然復生。而痞滿噎隔之疾。恐尤甚於

前也。

愚按內經云。隔塞閉絕。上下不通。則暴憂之病也。可見此病多起於鬱結不舒。胃氣不能敷布所致。張鷟峰所謂神思間病是也。方中雖是解鬱套藥。而分兩多寡。氣味配合。似有獨得之妙。又與八味丸間服。所以多效。喻嘉言資液救焚湯。與八味丸間服。亦是此意。但救焚湯大涼大降。流於奇險。不如此湯之平易。